



Na osnovu člana 120. Poslovnika Skupštine Kantona Sarajevo („Službene novine Kantona Sarajevo“ br. 41 /12- Drugi novi prečišćeni tekst, 15/13, 47/13, 47/15 i 48/16), Skupština Kantona Sarajevo na sjednici održanoj dana 07.05.2018.godine, donijela je slijedeći

ZAKLJUČAK

Prihvata se Inicijativa Zvonke Marića, zastupnika u Skupštini Kantona Sarajevo, o održavanju posebne tematske sjednice o zaštiti okoliša na području Kantona Sarajevo.

U prilogu: Inicijativa

Broj:01-05-20193-1/18
07.05.2018.godine
S A R A J E V O

PREDSJEDATELJICA
SKUPŠTINE KANTONA SARAJEVO

Prof. Ana Babić



Zvonko Marić
Zastupnik SBB BIH

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
SKUPŠTINA KANTONA SARAJEVO
n/r Predsjedateljice Skupštine KS
n/r Ministarstva prostornog uređenja, građenja i zaštite okoliša KS

Sarajevo, 07.05.2018.godina

ZASTUPNIČKA INICIJATIVA

Zahvaljujem ministarstvu g. Lukića na vrlo brzom odgovoru, ali izražavam nezadovoljstvo njegovim sadržajem, te ću inicijativu za održavanje tematske sjednice ovog saziva Skupštine KS vezanu za zaštitu okoliša shodno članu 106. i 213. Poslovnika Skupštine Kantona Sarajevo dati na glasanje da se o tome izjasne, a to potkrepljujem sljedećim činjenicama:

- u odgovoru se pominje Kantonalni plan zaštite okoliša koji je postavio neke ciljeve, čija realizacija će koštati vrtoglavih 220 miliona KM, a već najavljujete njegovo ažuriranje
- KEAP je jako ogroman dokument, a sami građani nisu mogli učestvovati u njegovoj izradi, čak i pojedina udruženja ste ignorisali
- pominjete zaštitu izvorišta Sarajevsko polje, koju već predugo čekamo, a stvari izmiču kontroli pa tako imamo u tom samom Elaboratu zaštite izvorišta Sarajevsko polje, a koji je inače iz 2013. godine citiram "pošto je olovo nađeno u uzorcima svih izvorišnih zona Sarajevsko polja, bez obzira što su koncentracije uglavnom ispod MDK vrijednosti. Rezultati analiza teških metala mogli bi ukazivati na opasnost od komunalnog zagađenja, vezanog za povećano naseljavanje u posljednjih 30 godina. Završen citat, napominjem da je olovo elemenat koji u tijelu ima kumulativni efekat, a građani to svakodnevnom konzumiraju, a mimo ljudskog naseljavanja vidimo da unutar vodozaštitne zone imamo azil za pse, aktivno stočarstvo, hoće to KEAP za 5 godina riješiti, neke mjere su potrebne odmah, ili ćemo za fekalne bakterije u vodi na Vrelu Bosne optužiti jadne labudove

Pominjete Studiju uspostavljanja zračnih koridora i uticaj visoke gradnje na kvalitet zraka, bojim se da je strategija Vašeg ministarstva da prvo pustite da divlja visokogradnja kroz loše prostorno uređenje pa da onda crno na bijelo imate dokaz koliko je Vaša zaštita okoliša zatvorila zračne koridore i pogoršala stanje kvalitete zraka, a u vašoj strategiji dok nam ljudi umiru od aerozagađenja jedino što nudite je vjetar i kiša od Svevišnjeg, ni maske stanovnicima da obezbjedimo.

“Rezultati monitoringa na području glavnog izvorišta rijeke Bosne indiciraju prekoračenje dozvoljenih graničnih vrijednosti olova u svim godinama ispitivanja. Isti slučaj je i sa kadmijem u tlu, te se prema nalazima ispitivanja sve navedene lokacije smatraju onečišćenima ovim teškim metalima. Visoke koncentracije olova i kadmijuma u tlu na ispitivanom području govore o zabrinjavajućim procesima kontaminacije na prostoru Sarajeva.”

Stoga stavljam inicijativu za održavanje posebne tematske sjednice o zaštiti okoliša na području Kantona Sarajevo i molim kolege zastupnike da je podrže jer je od velikog značaja za stanovništvo.

Zastupnik SBB BIH
Zvonko Marić

